



**TEZAUR LITURGIC
5 IULIE**

**ACATISTUL
SF.CUVIOASE-MUCENIȚE
ELISABETA
TEODOROVNA
DE LA
MOSCOVA
V**



MOSCOVA, 2000



Акафист преподобномученице Елисавете Алапаевской (Романовой)

Кондак 1

Избранной от страны чуждыя во светильник земли российския, от языка же, православию чуждаго, во Отечество небесное, молитвеннице и утешительнице нашей Елисавете благодарственное приносим пение. Ты же, яко подвигом мученическим дерзновение велие ко Господу стяжавшая, от всяких нас бед свободи, да зовем ти: радуйся, преподобномученице великая княгине Елисавето, в скорбех нам скорая помощнице.

Икос 1

Ангельстей чистоте издетска поревновала еси, мати наша Елисавето, и сицевою ревностию на высоту равноангельнаго жития взошла еси: сие предуведев всеблагий Господь сохрани тя и во страну православную пресели тя пречудно: мы же, дивящиеся всеблагому о тебе промышлению Божию и недоведомым судьбам Его, со умилением вопием ти:

Радуйся, яко на нелицемерное усердие твоє призре Господь:
радуйся, яко молитвы и милостиини твоя якоже

некогда корнилиевы, воспомянувшись пред Богом.

Радуйся, яко промышление Божие о неведущих истины житием твоим свидетельствуеш: радуйся, яко обличение теплохладному жительству нашему являеш.

Радуйся, издетска в добрых нравах воспитанная:

радуйся, доброты лучшия, премирныя взыскавшая.

Радуйся, благовейному жительству своего супруга подражавшая:

радуйся, научению истине со смирением внимавшая.

Радуйся, святыни российская усердно посещавшая:

радуйся, честным иконам и мощем угодник православных поклонившаяся.

Радуйся, премирною красотою Православия уязвленная:

радуйся, восприявшая свет разума.

Радуйся, преподбномуученице великая княгине Елисавето, в скорбех нам скорая помощница.

Кондак 2

Видя ревность твою по истине, просвети тя светом богоразумия Господь и стаду избранных Своих сопричте, мы же обретше в тебе теплую

молитвенницу, просвещаемся душами и телесы,
верно вопиюще Богу: Аллилуя.

Икос 2

Разум неуразуменный о истинней вере имуще,
смущахуся сердцем сродницы твои, слышаще
обращение твое ко святому Православию, ты же
послушала еси Господа, глаголюща: иже любит
отца или мать паче мене, несть мене достоин:
сего ради вопиемъ ти:

Радуйся, любовь крепкую ко сродником с
твердою ненавистию к мирским соблазном
соединившая:

радуйся, любовь ко Христу крепчайшую
явившая.

Радуйся, со скорбию сердца укорение отца
кротце претерпевшая:

радуйся, ни гневом, ни посмеянием не
поколебавшаяся.

Радуйся, незримо для мира подвигу
исповедническому начало положившая:
радуйся, малодушие вкупе с пристрастием к
миру презревшая.

Радуйся, страдати бо с людьми Божии, аки
Моисей, предпочла еси:

радуйся, яко драгоценного ради бисера
Православия вся красная мира сего уметы быти
вменила еси.

Радуйся, мира и яже в мире, по слову апостола,

не возлюбльшая:

радуйся, спасения ради души своея, в мире сем
даже до смерти противу греха подвизавшаяся.

Радуйся, душа бо твоя, яко птица, от сети
ловящих избавися:

радуйся, яко врага исконнаго благодтию Божию
победила еси.

Радуйся, преподбномуученице великая княгине
Елисавето, в скорбех нам скорая помощнице.

Кондак 3

Силою свыше облеченнная, всякий мрак зловерия
вкупе с малодушием отрясла еси: и тако начало
восхождению в сердце своем положивши,
степень за степенем прешла еси, дондеже
достигла еси горы святыя, Иерусалима небеснаго,
выну взывающи Богу: Аллилуя.

Икос 3

Имущи воистинну вся силы души твоея
обновлены благодатию Божиею во святей
церкви, многоплодна в делех благих явилася еси,
новое же отечество твое дщерь верную,
 сострадалицу и молитвенницу в тебе обретше,
вопиет ти сице:

Радуйся, яко тебе государем российским
нерукотворенный образ Спасов дарован бысть:
радуйся, яко сей образ в знамение и залог
православнаго жительства прияла еси.

Радуйся, образ сей даже до мученическия своея
кончины соблюдшая:

радуйся, яко и в земли лежащи, на персех своих
его имевшая.

Радуйся, матери, яко в тебе известно спасеся еже
по образу:

радуйся, яко благодатию на образе
начертанного и тело твое чудесно сохранился.

Радуйся, яко устремившееся на тя коварство
врагов веры силою Божией сокрушился:

радуйся, яко чудо велие и в смерти твоей явился.

Радуйся, добродетелей дивное вместилище:

радуйся, Духа Святаго светлое и честное
жилище.

Радуйся, яко тобою от уз греха свобождаемся:

радуйся, яко тобою в скорбех жития утешаемся.

Радуйся, преподбномуученице великая княгине

Елисавето, в скорбех нам скорая помощница.

Кондак 4

Буря крамолы и безбожия воздвижеся на страну
нашу православную, и паде от руки убийцы
беззаконного возлюбленный супруг твой. Мы же
безкровному мученичеству твоему дивящеся,
вопием дивному во святых своих Богу:

Аллиуя.

Икос 4

Слышащи Господа, заповедавшаго любити враги
Своя, сию заповедь твердо во уме и сердце
напечатлела еси: сего ради, аще и своима
рукама останки кровавыя супруга своего
собирала еси, но душею не поколебалася еси: мы
же дивящеся силе Божией, в немощи твоей
явившейся, вопием ти таковая:

Радуйся, от вернаго слуги умирающаго кончину
господина его мужески сокрывшая:
радуйся, терпением иовлим сердце от ропота
оградившая.

Радуйся, всякое веселье плотское оставившая:
радуйся, утешения в мире сем не взыскавшая.
Радуйся, убийцу в темнице посещавшая:
радуйся, о покаянии и исправлении того
всячески радевшая.

Радуйся, молитву о прощении врагов на кресте в
память супруга начертавшая:
радуйся, с сею же молитвою мученическую
смерть приявшая.

Радуйся, отпусти им, яко не ведят, что творят, в
молитве ко Господу взывавшая:
радуйся, аки первомученик Стефан о
убивавших тя молившаяся.

Радуйся, кроткая агнице, от лютых вепрей
терзаемая:
радуйся, подвигоположнику Христу

подражавшая.

Радуйся, преподбномуученице великая княгине Елисавето, в скорбех нам скорая помощнице.

Кондак 5

Боготечная звезда явилася еси, великая княгине Елисавето, стране нашей, сияющи делами любве и милосердия: людие же московстии, взирающе на обитель, тобою воздвигнутую, и велию помошь в тебе обретше, взываху благих подателю Богу: Аллилуиа.

Икос 5

Видевше твое радение о создании обители милосердия, старцы российстии помогаху ти советом и молитвою, мы же, дивящеся подвигу жития твоего, вопием ти:

Радуйся, по словеси Господню, все имение свое раздавшая:

радуйся, жестокое житие восприявшая.

Радуйся, юродою у чад века сего прославившая:

радуйся, верных сердца светом добрых дел твоих озарившая.

Радуйся, во обитель, тобою воздвигнутую, многия девы и вдовицы собравшая:

радуйся, вере, делами поспешствуемей и совершаляемей, их научившая.

Радуйся, сиротам многим оградо и воспитание:

радуйся, тяжко недугующым пречудное

поможение.

Радуйся, дневныя труды твоя с нощными
молитвами сочетавшая:

радуйся, и нощю люте страждущих не
оставлявшая.

Радуйся, безнадежным больным исцеление:
радуйся, скорбию снедаемым предивное
избавление.

Радуйся, преподбномуученице великая княгине
Елисавето, в скорбех нам скорая помощнице.

Кондак 6

Проповедует тя страна Российская, блаженная
Елисавето, скорую всем в бедах помощницу, ты
бо и в земли Сибирстей заключена бывши, дел
милосердия не оставила еси, ранами же
смертными люте уязвленная, до последняго
издыхания служения своего страждущым не
отступила еси, и ныне всякаго звания людие
русстии взывают о тебе Творцу и Избавителю
всех: Аллилуя.

Икос 6

Возсияла еси яко светильник немеркнущий во
тьме сквернаго жития погибающим: светлость
же лица и кротость словес твоих многия обрати
ко спасению, с нимиже купно и мы
благодарственно вопием ти:

Радуйся, убогия жилища посещавшая:

радуйся, погибшыя драхмы прилежно
взыскавшая.

Радуйся, язв греховных не возгнушавшаяся:
радуйся, злобы зверообразныя не
устрашивавшаяся.

Радуйся, многим девам от падения греховного
спасение нечаянное:

радуйся, богатство, бедне живущым на земли
воистинну Богомъ данное.

Радуйся, чистотою душевною подобна ангелом
явившаяся:

радуйся, греховных скверн очищение и
телесных ран предивная целительнице.

Радуйся, яко злоба мира о камень веры твоей
разбивавшаяся:

радуйся, яко в тебе воин Христов в женствем
телеси явися.

Радуйся, яко от полноты дарований твоих мнози
утешахуся:

радуйся, и нам, в добродетели убогим, скорое в
скорбех утешение.

Радуйся, преподбномуученице великая княгине
Елисавето, в скорбех нам скорая помощнице.

Кондак 7

Хотя человеколюбец Господь в годину
испытаний огненных помошь скорую людем
Своим подати, дарова среди иных святых
российских и тебе, мати наша Елисавето,

благоухающую миром добродетелей, покаяния наставнику, да отженется от сердец мерзкое греховное злосмрадие, да благоприятно людие вопиют Ему: Аллилуя.

Икос 7

Новое чудо явися нам, егда немощию разума человеческаго смущеннеи, разногласием разделене бысте вы, о сестре благочестивеи, Александро и Елисавето, обаче же скорбъ недоумения носяще и совета благаго взыскующе, во обители святыя потекосте, идеже утешение и вразумление восприясте, и тако любовь друг ко другу сохраньше, в мире и единомысленней вере пребысте, да единому Господу житием и смертию своею послужите, сего ради вопиемъ:

Радуйся, блаженная Елисавето, сестре своей Александре издетска помощнице и воспитательнице:

радуйся, яко и та общий с тобою путь православныя веры избра.

Радуйтесь, яко козней вражиих, разделити вас тщившихся, превышше явилися есте:

радуйтесь, яко мученическою кончиною совершенно на веки соединилися есте.

Радуйтесь, славныя сестры, яко благочестия ради всякую скорбъ претерпели есте:

радуйтесь, яко друг другу в подвize

поревновали есте.

Радуйтесь, яко подобно Марфе и Марии единому Господу послужисте:

радуйтесь, яко о едином на потребу всегда попечение иместе.

Радуйтесь, яко из единаго источника Божия благодати вся яже ко спасению потребная почерпали есте:

радуйтесь, яко единою скорбию и молитвою о людех российских пламенели есте.

Радуйся, мати наша Елисавето, яко сию скорбь и болезнъ чрез все житие твое пронесла еси:

радуйся, яко всякое мудрование плотское верою из сердца исторгла еси.

Радуйся, преподбномуученице великая княгине Елисавето, в скорбех нам скорая помощница.

Кондак 8

Дивно ангелом и человеком житие твое явися, пречудная подвижнице: душу бо твою в скорби, яко сребро в горнило очищения предала еси, на искушения уготовавши сердце свое, ум же Евангелию покоривши, сего ради согласно Господеви поем: Аллилуиа.

Икос 8

Весь ум свой всегда горе имела еси, в молитвах Господа тепле призывающи, но и низу людей страждущих и заблудших не оставляла еси, в

трудех и попечениих о них пребывающи: не забуди и ныне нас, святая Елисавето, утешение наше, приглашающих тебе усердно:
Радуйся, заре светлая, сияющая во тьме греховней:
радуйся, молитвы непрестанныя наставнице.
Радуйся, среди суety мира сущих, в горняя нась восперяющая:
радуйся, преклонитися под иго Христово всячески нас укрепляющая.
Радуйся, в знои трудов сущым росо и прохладо:
радуйся, по морю житейскому носимым звездо непрелестная.
Радуйся, обитель свою яко прибежище скорбящым создавшая:
радуйся, из сея обители многим в вечныя кровы путь указавшая.
Радуйся, из сердец ожесточенных покаянныя слезы исторгшая:
радуйся, и наших окамененных сердец предивное сокрушение.
Радуйся, страны Российскихия изрядное украшение:
радуйся, верных людей наших любы и радование.
Радуйся, преподбномуученице великая княгине Елисавето, в скорбех нам скорая помощнице.

Кондак 9

В лице святых земли Российских ныне
торжествуеши, святая преподбномуученице
Елисавето, лицу Господню предстоящи: веруем,
яко любы твоя к нам николиже отпадает, и сего
ради надеемся твоими молитвами от Господа
благодать и помощь получить, и в радости о
заступлении твоем о нас воспеваем Спасу душ
наших: Аллилуia.

Икос 9

Ветии суемудреннии, лжею всяческою имена
новомученик российских оплетшии, не
возмогоша утаити подвиги и чудеса их, се бо
ныне Господь новыя святыя своя дивно
прослави, темже и сию угодницу Божию
Елисавету ублажаем, поюще:

Радуйся, яко во дни мятежа обители своея не
оставившая:

радуйся, вверенныя ти люди усердно
хранившая.

Радуйся, помощи от врагов православного
Отечества нашего не приявшая:

радуйся, прежде смерти миру умершая.

Радуйся, злобу человек неблагодарных кротце
претерпевшая:

радуйся, о впадших в ров соблазна безумнаго
милостивно скорбевшая.

Радуйся, мужеством с кротостию предивно

вооружившаяся:

радуйся, душу свою погубившая в мире сем, в живот же вечный сохранившая ю.

Радуйся, пути промысла Божия чистым сердцем прозревшая:

радуйся, мученичество царственных сродник своих дерзновенно прорекшая.

Радуйся, со смирением недостойну себе быти такового венца исповедавшая:

радуйся, с терпением часа смертного страдания своего ожидавшая.

Радуйся, преподбномуученице великая княгине Елисавето, в скорбех нам скорая помощнице.

Кондак 10

Спасти хотящи душу, плоть твою духови покорила еси воистинну, мати наша Елисавето: терпением бо скорбей безмолвие ума и тишину сердца стяжала еси, благоухание же милосердия приложила еси, и сими горницу души своея Господеви уготовала еси: странству же владычню приобщившися, жилище Пресвятыя Троицы явилася еси, всегда вопиющи: Аллилуиа.

Икос 10

Стена была еси во испытаниях и столп крепок противу лица вражия всем, попечению твоему промыслом Божиим вверенным: сего ради всяк человек, иже близ тебе обреташся, помощь и

укрепление дивное от тебе получаše, и мы
зряще любовь твою, прославляем тя звании
сими:

Радуйся, молитвою непрестанною питающася:
радуйся, воздержанием препоясанная.

Радуйся, судиями беззаконными осужденная:
радуйся, судиею вечным оправданная.

Радуйся, посреде скорбей осуждение смерти в
себе выну имевшая:

радуйся, вседушно уповавшая на
Воскрешающего мертвых.

Радуйся, присно в смерть себе предававшая
Иисуса Господа ради:

радуйся, яко в тебе и живот Иисусов воистину
явися.

Радуйся, на земли всячески обнищавшая:
радуйся, и доныне многих богатящая.

Радуйся, живота вечного причастнице:
радуйся, яко твоими молитвами и мы спаслися
уповаем.

Радуйся, преподбномуученице великая княгине
Елисавето, в скорбех нам скорая помощнице.

Кондак 11

Пение всеумиленное приносим ти, агнице
Божия, воспоминающе крестный путь твой,
егоже с сострадальцы твоими терпела еси:
биение немилосердное и во глубину земли

падение, тако бо страданьми ризы души твоей
убелила еси и воспела еси Богу: Аллилуя.

Икос 11

Светоприемную свещу, от Алапаевска града до
востока дальняго возсиявшую и в землю святую
прешедшую, тамо же яко на свещнице высоце
всему миру поставленную, зrim тя,
всеблаженная мученице: издалече же нетленным
мощем твоим покланяющеся, вопием ти
таковая:

Радуйся, чистотою души твоей, яко крин,
посреде мира лукаваго процветшая:
радуйся, Господеви своему и в пропастех
земных песнь воспевшая.

Радуйся, яко смертельное оружие противу тебе
бесильно явися:

радуйся, яко и вся хитрость духов злобы
поднебесных победити тебе не возможе.

Радуйся, мудрая дево, светильник веры горящим
сохраншая:

радуйся, елеемъ благодатных дел его
наполнившая.

Радуйся, глас жениха Христа в полуночи
мирскаго жития услышавшая:

радуйся, яко бдящая и готовая вошла еси в
чертог небесный.

Радуйся, еще в житии твоем место погребения
твоего возлюбльшая:

радуйся, в подвигах путь свой к нему совершившая.

Радуйся, яко шествующи тесным и прискорбным путем, Небеснаго Царствия достигла еси:

радуйся, яко и нас выну зреши горе укрепляеши.
Радуйся, преподбномуученице великая княгине Елисавето, в скорбех нам скорая помощнице.

Кондак 12

Благодать, тебе от Бога данную зряще, к твоему заступлению вседушно притекаем: ведуще же, яко духовное духовным востязуется, трепещем, да не празднословцы дерзостнии явимся: обаче же любовию и изумлением понуждаемии, со страхом и трепетом зовем Богу: Аллилуя.

Икос 12

Поюще твое, с верною сподвижницею и сострадалицею твою Варварою, прославление в стране Российской, сице уповаляем обрести начало нашего восстания от сна греховнаго: ты бо предстоиши ныне престолу Божию в лице новомученик российских, к ихже молитвам притекающе, никакоже отпадем тици. И ныне, память сих заступник наших празднующе по долгу, тебе, о всеблаженная мати, молимся: премени нам скорбь на радость, вопиющим:
Радуйся, издалече во страну Российскую

пришедшая:
радуйся, православную веру во Отечество новом
обретшая.
Радуйся, и ныне сию веру повсюду
утверждающая:
радуйся, далече разсеянныя люди русский
любовию соединяющая.
Радуйся, людем верным дивное веселие:
радуйся, церкве Российский похвало и
радование.
Радуйся, яко чада ея хранити единство веры в
союзе мира призывающая:
радуйся, истины взыскующым сию явственне
являющая.
Радуйся, крине сельный чистоты и целомудрия:
радуйся, отрасле райская преизящныя
добродетели.
Радуйся, яко в телесней лепоте твоей светлость
душевная явися:
радуйся, яко во зраце лица твоего горняя
доброта нам открыся.
Радуйся, преподбномуученице великая княгине
Елисавето, в скорбех нам скорая помощнице.

Кондак 13

О, пречудная о Христе мати наша,
преподбомуученице великая княгине Елисавето,
приими ныне убогое сие моление наше и умоли
всеблагаго Бога даровати нам покаяние

нелицемерное и исправление жития нашего, да избавимся належащаго гнева Божия и всякия муки временные и вечныя, и всегда с тобою благодеющему нам Богу зовем: Аллилуиа.

Сей Кондак глаголи трижды и паки чтется Икос 1 и Кондак 1.



ПОЛНЫЙ
АКАФИСТНИК
КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

ИМ
*ИМ